

有正味齋詩集

有正味齋詩集卷九目錄

錢塘 吳錫麒 聖徵

白沙江上集

述懷五首

湖上大雪作歌

燈夕邀諸故人小飲

雨泊新市懷沈梅邨宰大城

田家二首

嘉興道中二首

渡太湖

順風過錫山驛

丹陽

晚至京口

登北固山樓

眞州二首

贈方竹樓

元鹿

和趙雲松前輩翼美人風箏六首

春江曲

蠶詞十首

汪氏廢園觀荷

秋水庵聽省園上人彈琴

雨泊姑蘇城外

憂潦

團扇詞

塘棲舟晚

朱涇

松江郡齋酬別李味莊同年

三江口值大風雨

石銚圖歌爲堯水村蘇作

儀徵樂儀書院卽東園之一隅流水小橋遺規宛在眼

日賦此以寄古懷

冬晚喜門人詹石琴琴堂見過

平山堂梅樹下作

薌雨樓春望

車螯十二韻

謁大忠祠

江吟薌

知柔

招同方竹樓蔣東橋

良年

陳師竹

實孫集

退隱園分韻得山字

雨花庵

濕滄甚發偃臥經旬同人有來問訊者以詩答之

驟雨過澆墅

雨中獨游湖上三首

于忠肅公祠

重赴真州

雨泊嘉興郭外寺

奔牛道中二首

九日江吟薌招同人拂雲亭舊址登高分韻

城子山懷古

新城看桃花二首

謁伍相祠在真州西門外蓋當時渡江處

渡江值風

棲霞道中

李松雲前輩

堯棟

招同袁簡齋先生

恭

黃書厓王仲瞿

集

集江寧祁齋二首

曉入攝山二首

登最高峯作歌

舟中雜詩六首

聞姚春漪歿于都中以詩哭之二首

七月七日會寶谷都轉

煥

招同徐朗齋

嵩

詹石琴陳理

堂

發胡香海

森家退庵

庭

蘭雪

嵩

集

康山草堂餞

余還京師用其贈別原韻

吳漢川湖半帆圖

舟中賦秋陰

有正味齋詩集卷九

錢塘 吳錫麒 聖徵

白沙江上集

述懷五首

男兒幸通顯出入承明廬文章藉明志所重詩與書賈用亦云
養南陔良起子朝家一鍾祿田家一斛粟滋味本來同承歡吾
願足落葉必歸根游雲思還山素餐愧無補內顧求所安日歸
胡不歸努力趨田園

少無適俗韻懶受冠帶束長乃登仕籍塵事苦碌碌青山同一
夢芒屨儼在足妻子亦歡顏從子返初服亟呼床頭酒賞雨在
茅屋門外白鷗來春波動新綠

有田而後歸得歸知何時東坡晉江水詩人多託詞我無一頃

田詎慕季女飢守道意自得任遇機無危平生藜藿腸飲水能
樂之上堂勤定省閉門課書詩有兒亦有女笑語相依依有弟
復有妹一室同怡怡

前驅負弓走後騎縱策奔以視窮巷儒何如達官尊飽食厭梁
肉華衣賤羅紈以視窶人子何如富兒歡榮悴分不同勞生各
如客西風兩石人看老幾家柏蠶絲徒自纏藕線不可穿旁人
太深計惜我歸無端我笑指我口此中宜飲酒

峩峩秦亭山瀾瀾西溪水短筏愛山春沿綠十八里梅花不自
貴亂插深竹裏居人無外求茶筍足生理林梢初月白陌上人
語起隻雞尋近局農話良可喜十年卜築心一椽決于此請寫
移居圖補入村夫子

湖上大雪作歌

燕山幾載雪見多今年換著西湖蓑峭寒十日烏背縮北風吹
水來銀河初從雲中一縷一縷墮地作輕絮俄似漲空萬翼陣
陣飛鴛鴦夾隄兩明鏡頓失青銅磨水精簾晃素不波琉璃盆
涌光旋渦何時神山海上忽驅到但見銀爲宮闕高峩峩其上
瑤花琪樹雜沓交枝柯老鶴一聲出導我登前坡微茫眼底不
可辨冷香攝人梅花窩林家老仙詩罷哦墓門哀響生枯蘿人
生那得不易老青山今日頭還緡嚴陰慘淡暝色動愁猿凍狖
悲鳴過回身恂况氣四合不知是雲是水是雪誰攬和乾坤物
物還太始盡洗塵穢蔽陂陀排闥直欲之帝所純綿軟踏如咒
羅左邀玉鳳舞右喚銀鸞歌中間縞袂揚仙娥天邊行樂樂則
那但到瓊樓高處寒奈何不如一筵歸就甕頭酒醉憑白雪照
我朱顏酡

燈夕邀諸故人小飲

燈明月白幾人過竹馬兒時此踏歌
老去友朋貧賤甚尊前歲月別離多
繁華逝水前程換著述名山舊賢
借得鄰家脆粒管今宵相勸倒金螺

雨泊新市懷沈梅村宰大城

微雨仙潭上春帆我獨來空餘
響溪水何遑一元臺白髮三年
別青天一雁回無緣慰今夕
蓬滴夢頻催

田家二首

不從軒冕游詎識農夫樂
少長無別離衡茅數椽託
蠶生桑葉大鳩語杏花落
人煙多在野應候事耕作
毛空澤不稀飛響散葦薄
趨種急曰謳行泥緩芒屨
貧家耐苦辛生理存淡泊
夕照返柴門稍藉養腰脚
隣菊肯分嘗看山引春酌

藉草夢初醒肌膚生土香時雨原上過麥苗亦已長赤脚度阡陌春風吹衣裳大兒開寶去泱泱水注塘小兒叱牛來執策嬉我旁豈無村夫子讀書生計妨今朝脫布袴明朝插新秧豚蹄寡者願飽煖天能償

嘉興道中二首

帖水春寒側側吹東風莫惜放帆遲天涯此去萍蹤濶纔是楊花潑面時

春波橋畔詩人住謂曹植梅買樹曾經繞屋栽一霎鴟蓑拋急雨
泥雙竹出花來

渡太湖

送我何之身若浮但看鷗鳥導前頭拍天巨浸東南合到海長波日夜流彼美坐消灣裏夏何人轟醉鏡中秋乘風獨向蒼茫

春山詩集卷之二
三
裏春水生時正欲愁

順風過錫山驛

十里嵐光接蜿蜒去程齊指夕陽邊船行似馬千帆健水活于
雲一鏡圓過眼漫驚迎客堠回頭終悔出山泉明朝斷渡能知
否鈴語郎當塢頂傳

丹陽

沽酒練塘返夕陽春已晴潮通丁義瀆草長呂蒙城岍仄拔簪
立坡高曳緯行雉媒聽格格麥隴正煙平

晚至京口

飛鳥虛空過影忙南徐北府閱興亡幾人戰伐稱名士如此江
山賸夕陽風利石頭帆乍去雲埋鐵甕草全荒城西畫角黃昏
近催得垂楊爾許長

登北固山樓

天風浩浩振飛翰，獨自登臨夕照殘。
二月鶯花愁作客，六朝人物感憑欄。
雲驅石氣穿松黑，鐘助江聲撼戶寒。
煙火萬家城郭迥，樓臺全在畫中看。

真州二首

春陰連一片，城郭綠楊遮。
濠曲通朱榭，江流折白沙。
魚鹽成浩穰，歌吹習繁華。
小有揚州夢，二分明月斜。
高臺寒落日，野草亂春風。
戰伐經前代，文章屬寓公。
喧生帆葉外，夢醒塔鈴中。
最便秦淮路，回潮一櫂通。

贈方竹樓

元廬

詩人老去雪滿髭，閉門枯坐常忍飢。
得錢但邀麴道士，畫竹欲過梅沙彌。
十年燕市奉書少，一月真州侍面遲。
今夕明蟾休更

落松枝手拈話相思

和趙雲崑前輩美人風箏六首

眼看彼美信嬋娟學取飛鴻態度翻天末懷時愁渺渺掌中放出舞仙仙惺忪夢雨三生妬宛轉情絲一縷牽多謝兒童相送起裙腰芳草畫橋邊

蛾眉真怨受人鞭似此吹噓力不微活活雲如迎楚女珊珊骨許借湘妃騰鷲細擘留仙縐冲舉新披入道衣較得西施幾文值飭簫聲裏看場圍

心事箋天脉脉通游絲暗裊曉光融沉魚定誤姮娥影顛鶴翻連少女風咳唾不爭珠錯落珮環時響玉玲瓏息肌乞得神方好撒手居然上碧空

愛虛豈是捉迷藏轉側俄成半面粧玉宇高寒矜翠袖銀河清

淺阻紅牆最防霧市迷三里慣弄霞機賽九張指點雁程餘字
在練裙濃染墨生香

也如團扇隔經年重曳東風意渺然千里飛身前出塞九霄結
伴小游仙翩翩體自輕於燕戍削肩遠瘦似鷓脂粉畫家塗抹
好清明一幅上河傳

年華太息逐波流爭得煙雲幾日遊落拓但愁龍出骨登臨除
是蜃爲樓衙城路遠何從匿月窟人孤未可留百丈相思收線
早夕陽春掩小門幽

春江曲

江流不可已游子何時歸朝看江月落暮看江花飛江花江月
總堪憐曳霧飄煙直到天萬片東西渾莫定一珠上下幾能圓
春風一昔吹歡起懊惱長檣鐵鹿子翡翠鴛鴦柱自雙離魂已

斷空江裏纔聞寒食近又值上巳過大姑小姑拾翠多前裙欲
出愁奈何可能重歌折楊柳可能再唱定風波風波不阻相思
住十年悔種相思樹楊花柳花如雪飛攪得春江無綠處願妾
身居帶子溝願郎身住紗帽州郎登青雀舫妾上木蘭舟載酒
向尋三塔去乘潮其作五湖遊最憐萍梗無根著最惜容華易
凋落鑄就江波作鏡明照心不照郎心薄南海貝大秦珠投六
博對檣蒲艙中螭炬搖花麤玉簫金管兩頭坐何曾聽到三更
烏鳥聲啞啞哭不得但恨故人少顏色楊子津頭打鼓行菖蒲
花發無消息黃蘗味何苦石榴味何酸攪和入江水與淚同一
般日從江南望江北那道江南有人憶愁心挂在江上山遠路
惟應夢中識紅子不作香茱萸守空房難消花月無邊恨流過
春江萬里長

蠶詞十首

上巳晴明去踏青要看桑上挂銀瓶馬頭廟裏燒香便預乞今

朝五卦靈

楊升庵集引古語云三月初三晴桑上挂銀瓶

麥要輕寒蠶要溫曲房籠火近黃昏吳鹽聘了狸奴到生客須防早閉門

沙沙食葉雨聲麤今歲蠶肥去歲無笑向芒神圖上指把蠶怡好是三姑

女兒女兒嬌可憐欲眠未眠穀雨前豆莢一肩新入市起蠶時

候忌雷天

蠶經俗謂起蠶爲女兒

團團日出雞子黃一曲聽歌陌上桑前路看花應更好使君莫負紫絲鞵

姑惡鳥鳴盡可收油菜蘘黃筍又抽入夜正須添小食呼來女

伴捉眠頭

阿儂不要晝蛾眉，但盼團圓樂。結子時，簇簇山如千里遠，牽儂心裏便成絲。

桑斧纔停，葉漸疎，已催小滿出三車。土墻茅屋人家靜，一路風

香煮繭餘

諺云小滿出三車謂
絲車油車水車也

報賽年年白粥煎，長腰鼓打社團邊。願郎但學向功繭，願妾休彈寡女絃。

村舍兒童散學回，蠶忙過了插秧催。家家煬蛹傳方法，誰讀河東郭注來。

注氏廢園觀荷

十年老盡看花人，依舊名花照眼新。南北東西魚戲葉，百千萬億佛分身。吟耽斜照銷支獨，飲拗芳筍酒勸頻。雲水蒼茫歸欲

暮祇留鷗鷺自相親

秋水庵聽省園上人彈琴

江城缺處俯禪局
苔竹迎人一徑青
名畫要如詩句讀
古琴兼作水聲聽
簷端鷓起因風怖
鉢裏龍歸帶雨腥
後約更期秋色好
滿床落葉坐緇經

雨泊姑蘇城外

青蘆葉作枯楊鳴
雨聲未到先風聲
風頭轉白雨脚黑
中間倒入波光明
數帆收後天更濶
一鳥飛處沙猶晴
倏看天矯龍尾挂
天半早有驪珠傾
羣山浩浩涌雲氣
共挾雨勢空中行
雨復驅雲變奇態
水墨不許人工爭
樵肩漁背各蓑笠
意外自狀蕭疎情
苔磯忘却新漲沒
稻隴散入餘飛清
幽人賞雨醉篷底
夢醒已是涼潮生
僧鐘欲動猶未動
洗出霽月剛三更

憂涼

高隴已浸水低田盡積淫那成熟禾稻只自賤魚鯁定荷皇天
意能迴蒨屋嗟一餐甘脫粟穩我卧蒹葭

團扇詞

艷艷吳羅若箇裁團團明月肯相偃下階翻避流螢影怕帶秋
風信息來

塘棲舟晚

蓬鬢已如此郵程又暮秋勞生酬落日孤影付扁舟
合人家橘柚收年年吹笛感山水慣淹留

朱涇

百家成小聚秋色易蕭條
火低藏葦鷗沙暗沒潮禪尋船子
說隱待釣人招一棹前灣去烟波日暮遙

明陸賈詩百家
烟波日暮遙

松江郡齋酬別李味莊同年

日下離歌不可聞，江南秋色又逢君。
尊中滿泛當頭月，戟外孤停出岫雲。
一榻蒼苔情繾綣，十年老柳態披紛。
叢菁笠澤如堪著，願乞烟波此地分。

三江口值大風雨

拜浪出江豚，波濤萬馬奔。
大聲爭隘急，逆勢受潮渾。
莽莽迷吳會，滔滔逼海門。
漁燈流過處，蘆荻暗黃昏。

石銚圖歌爲尤水村隱作

石銚未見見者圖，圖乃水村之所摹。
云周種贈猶山，蘇黃州歸向真州。
趨提仰院，裏養疾居光明，經據棐几書茶香。
拂拂此銚俱慧日，泉甘手自剡，鱗眼魚眼沫沸珠。
篆烟一榻春風餘，鬢絲威慨景易徂。
淮汝地換非一區，元祐年閱六百逾。
得之快意爭

須臾摩挲愛如女兒膚中容一升石骨剝旁球三耳花坼村銅
鑲分貫細不塵谷之一鈕提若壺函中折足此則無安身奈何
器勿如官逢磨蝎非命乎卽如種也持贈初石交之訂當不渝
薦而同升匪私渠旋又自懲劾亦予是豈意料終始殊令我觀
畫生長吁但願得慰渴病臞筆筆寫出詩人腴午濤過耳松風
虛苦味請從舌本咀

儀徵樂儀書院卽東園之一隅流水小橋遺規宛在暇
日賦此以寄古懷

白雲眠我榻流水和我絃耳諧誦聲美目炫林姿鮮澗澤資翰
墨俯仰懷前賢亭臺展清眺日月馳華年秋風一杯酒平原滿
蒼烟毳啼空穴內雀噪寒畦邊冥觸蘊餘悼澄觀快新遷棹芳
闌荒穢決決通蒙泉時閑蔣生徑還設子敬瓊簪茲頽陽暮太

忘山樞篇

冬晚喜門人詹石琴

琴堂

見過

及此蕭條日還勞載酒尋閒雲搖暮態落木守冬心忽發松間
奏如聞海上琴天風吹不斷鶴語接冥冥

時以論
稿相質

平山堂梅樹下作

此花已負醉翁時牆角猶能發好枝恰襯山光寒轉峭獨爭雪
格瘦尤奇酒杯兼爲青苔賞月夕休憑玉笛吹江北江南苦相
憶徘徊難得美人知

薌雨樓春望

一鳥趁樵歸登樓又夕暉水光浩柳活煙力入天微底事青春
戀難教白髮稀童心爭往日日迺紙鳶飛

車螯十一韻

獨擅揚州美能高海錯名來隨春浪湧拾趁暮潮平餘氣微茫
結中央混沌成簿曾稽水族單待議門生近市紛紛集頃筐漉
漉盛堅牢徒口守肥滿豈腸撐自昔誇行炙子今解絮羹窺斑
鮮紫活取雋嫩黃盈酒溜纖唇啟瓊含妙手烹魁才容蛤占逸
味與蚶爭此貝何須相吾牙何可鳴多煩王學士口腹與經營

謁大忠祠

皋亭山頭白雁來珠金沙口刺船回風塵滿目作亡虜無衣空
唱秦庭哀江水茫茫寒日落丹心賸照真州郭疑團莫破李庭
芝義氣須酬吳架閣喪君立君滄海東憤濤一片厓山風血無
可泣啼鴟急石到難填精衛窮孤臣但在宋不死三載小樓風
雨裏敢信蘇卿有故人但知南八真男子狀元宰相二者兼南
朝尙有留夢炎失身并累科名辱完節爭看廟貌嚴虹梁百尺

輝雲表那得文成天下趙西風故國望黃冠白日羈魂化朱鳥

苗再成姜才王炎趙孟

配食俱大忠之名忠不渝行人下馬神祠

拜會識清江劉洪無

公玉煥江興武客杜游等十二人夜亡燬姓名爲清江劉洪東入海以爲元運感

江吟薌紹莘

招同方竹樓蔣東樗

貝年陳師竹實孫集

退隱園分韻得山字

看花連日不能閒又轉城南路幾灣春水綠生漁舍外夕陽紅
入柳陰間別來故燕猶尋壘歸後孤雲只戀山多謝三分新月
子醉餘還爲照顏顏

雨花庵

禪榻依然舊髮絲東風已過落花時樹陰空處苔相借江氣寒
來竹不知蘇晉長齋貪學佛陶潛止酒懶題詩雲門餽餅今朝
識但乞安心是本師

濕瘡甚發偃卧經旬同人有來問訊者以詩答之

青苔及相船入市十日浪浪雨不止正防重脆起支骸巨奈陰
寒侵骨髓齊侯疥豈祝可祈謝石瘡無物能祇是身破碎芭蕉
如厥狀蹢躅駱駝似洗濯頻煩神女湯搔爬那得麻姑指浸淫
未已血終竭轉側難安肉先死杖展徒勞問麴蘗冉耕幾欲歌
芣苢莫疑瘡乃漆身爲只恐柳將生肘矣呼童且辦過頭杖笑
我還同折足几單方鄭重送隣家禁法荒唐傳術士白晝無端
息在床青山妄想跛能履平生跌宕頗自豪此日蹢躅殊足耻
腹豈詩書致鱗魚材非松柏遭螻蟻剜肉方思効補苴嗜痂亦
冀逢知已懼君將殼轆而登從此能行屐者幾曉聞鐘鼓報新
晴快意應占勿藥喜

驟雨過滸墅

通白走湖氣橫青低柳梢涼能醒越酒猛似挾吳潮船重數帆
濕沙明一鷺翹草鞋聲去急應怕失溪橋

雨中獨游湖上三首

秋光約畧樹頭知已是明湖蕭屑時細雨斜風人不見擘船來
唱摸魚兒

闌紅一舸醉當年蒼莽風烟賸眼前蕩蕩無多花更少最清清
處白鷗天

濕雲運合萬山遙歸去芒鞋趁晚樵沙路不關蟲語早水聲腳
下一條條

于忠肅公祠

土木蒙塵日元黃再造時獨憑孤掌奮全賴一身支遷國謀方
煽和戎患易貽策煩籌杜預裾許引辛毘社稷由來重金繪不

用遺審幾能制勝
夾貨任居奇
警衆呼蒼兕
當關起老罷
胸中
兵仗富闢外
敵形知契箭
齊遵約
蚤弧自守
陣識兼瑕
呂卓忠
類鷲拳爲
甌脫消前
釁刁環
驗後期
鑿與重得
返綱紀
果誰持
笛罷唐西
內鐘宣漢
舊儀倉琅
驚敢驟
鐵牡恨飛
遲識已忘
鸛
鶴謠偏應
鷺鸞雲端
天子坐冰
上老臣危
貝錦壬人
織星文
午夜垂無
名真此舉
欲殺又何
辭六月寒
霜下全腔
熱血披問
誰
思雨帝愴
我拜神祠
可惜長城
壞徒來大
鳥悲江風
吹古樹
湖
月照殘碑
酒孰黃龍
醉潮空白
馬馳千秋
同太息
遺恨滿靈
旗

重赴真州

淮南無限樹
落葉易蒼涼
鳥去暮雲遠
客行秋水長
魚竿留舊
夢蓬鬢掩新
霜慚愧汀頭
鷺年年送我
忙

雨泊嘉興郭外寺

直入烟深處不知身所依冥冥寒雨外忽聽一鐘飛木葉下漁
艇水風吹客衣嗒然清夢醒相對尙禪扉

奔牛道中二首

雲脚蒼蒼山已晴一聲津鼓換郵程破帆曳過前陂去無數牧
兒吹笛迎
青旗插處小門開爲欲消愁買酒回野草離披斜照過百蟲合
作雨聲來

九日江吟鄉招同人拂雲亭舊址登高分韻

菜棧瓜畦野趣饒登臨風景感今朝夕陽陳跡人千古修竹空
林路一條旅鬢蕭疎
黃菊笑游心懶散白雲招故園定有茱萸
會江外青山悵望遙

城子山懷古

撫劍不得意獨步凌崔嵬西風挾江氣寒入烟中來觀兵盛疇昔詩成重徘徊一家擅詞賦子桓亦雄才縱橫肝膽露豁達心胸開惜未一葦杭徒見六軍回旌旗招落日馬跡生蒿萊三國既逝水六朝多劫灰南望佛狸祠西眺昭明臺青山未改色古人安在哉披蘿弔山鬼共此酒一杯毋爲古人感祇益令人哀

新城看桃花二首

楊柳灣灣送權聲看花人指謝公城一村社燕客扶醉幾箇紙
寫天放晴

花發前林接後林花多不怕峭風侵暝烟吹過水東去紅得少
陽如許深

謁伍相祠在真州西門外蓋當時渡江處

江上船方去蘆中人可呼英姿瞻古廟落日念前途介冑身逃

楚煙波路入吳報讐長劍在乞食一簞孤魚炙窺私燬蛇門啟
密圖三師頰亟肄五戰欲全俘竟發驪山冢如鸞杜伯弧恨教
先世雪忠豈寸心渝麋鹿遊相踵梧桐秋又徂聽言甘衆豕盡
志艷純狐冠正張姑慈臣先齒屬鏤黃池爭後會白馬奮前驅
憤氣餘千古靈風眷此都大招歌郢客小海唱神巫漁鱖難酬
昔鷄留易感吾水仙王待薦歸夢已西湖

渡江值風

大風渾不料擊楫已中流雷雨生羣籟波濤擲一舟浮生悲似
梗久客狎如鷗鷺掠金山去鈴聲尙未休

棲霞道中

雲氣生邊紫翠攢似從霄路振飛翰一山藥草春風長六代松
聲白日寒詩句舊剌苔面讀畫圖重向馬頭看晚鐘忽喚神龍

起雨暗空潭響急湍

李松雲前輩

堯棟

招同袁簡齋先生

枚

黃書厓王仲瞿

集江寧郡齋二首

日下三年別重逢鬢已斑
官如五湖長門對六朝
山鶴澗泉逾潔棠陰吏亦閒
主堂多舊侶相憶孰爲攀
且醉杯中酒還停天末雪
靈光尊一老白下重諸君
小叙成鷗契前期感雁羣
主人高誼在歸騎莫紛紛

曉入攝山二首

樵歌未動鳥聲催
絕頂巖扉豁達開
石色一重泉一折
老夫步步踏雲來

芒屨飛空健可能
直盤磴道上層層
却忘身在松光裏
一領袂衣寒不勝

登最高峰作歌

一峰如繖張半空羣峰羅列兒孫同百三十丈拔地起我提藤
杖來爭雄紫峰閣前盤折上一氣蒼茫迷俯仰石脚全如水欲
行松梢只覺雲生響穿雲冉冉身透雲下方指我雲中君我從
雲端視來路是山是雲都不分大江千里橫四練兩點金魚中
隱現估帆雜沓向瓜州到眼微吹雪一片此時那不懷抱開憑
欄忽動江南哀銅駝石馬爾何物西風蕭瑟埋蒿萊起呼三茅
君上有三茅君與子同一杯青天不可語白日還相催英雄事往戰骨
堆六朝宮闕幾劫灰人生不飲胡爲哉醉騎茅龍欲歸去長江
浩浩天風來

舟中雜詩六首

吳天蠶罷冷于秋淄淄輕雲散不收忽被蘆風吹作雨留人半

日泊孤舟

雨聲絕聽響涼蓑柳外斜陽鷺一坡老犢只貪芳艸好不知陳迹踏來多

六朝遺蛻閃諸陵陵口荒燐閃閃燈睨我松人如鬼醜夜深蒼髮立鬚督

插秧正要水差差新漲今朝已浸籬漁子扳罾雙赤脚草泥漚處立多時

彭彭魄魄打來聲啞啞軋軋繰車鳴喚儂挑飯下田去樹上一雞啼午晴

鷓鴣餓餓撲沙虛小艇時來喚賣魚水柵已過喧乍定酒家門口卸帆初

問姚春漪及于都中以詩哭之二首

一燈昨已黯深宵魂魄先疑入夢遙燕月錯教留四載吳雲慘
莫過今朝死生定不相知異醉醒都難此淚消蒲酒可憐時節
近水窓重待阿誰招

金臺餞我及深秋正約重來會已休如此光陰同水逝相思節
暇亦風流羣公日下哀音託舊雨琴臺斷簡搜歸櫬只防蹤跡
左他年宿草哭難酬

七月七日曾賓谷都轉煥招同徐朗齋嵩簷石琴陳理

堂變胡香海森家退庵增蘭雪嵩梁集康山草堂餞余

還京師用其贈別原韻

嘯傲依然此一邱峭帆城堞已飛秋流連河漢今宵會撥觸琵琶
替舊日愁問渡也思重駕鵲論心端不負盟鷗羣公各要交期
念江水明明息壤留

吳漢川 湘半帆圖

渺渺牛毛樹飄飄鼻精船
哨飛千尺雪涼割一江煙
老鶴身同健奇書手自編
水程閒更好高唱遠遊篇

舟中賦秋陰

涼到生衣客不勝
沉沉黯黯幾消凝
風痕總定蘆千葉
雲氣如添水一層
港口交加修竹塞
渡頭明白野鷗興
冥濛散作來朝雨
小艇應愁唱采菱

有正味齋詩集卷九

有正味齋詩集卷十目錄

錢塘 吳錫麒 聖徵

重夢集上

沈梅邨自新市來送余北上兼贈以詩舟中賦此奉答
石門道中

晚泊無錫

渡江詞二首

揚州送仲弟歸

寄酬兵州諸故人三首

秦淮遇趙新溪司馬

東平值大風

宿南畝智廟

旅中有感寄諸故人二首

糊窗

題橫波夫人畫蘭卷二首

送張古愚同年

敦仁

赴瑞州任

題魏春松比部

成憲

溪山二隱圖

花朝日集陶然亭公餞王蘭泉司寇

予生歸里二首

燕市楊花曲

同許慕魯

嘉猷

家省庵

耆德 遊崇效寺

題馮實庵給諫

培

種竹圖

題門人祝雪舫

雯

停琴佇月圖遺照

戲題麻姑像二首

題賀梅庵

應旂

秋林觀瀑圖

雨後過下窪三首

題楊二農

崇治

衡門春草圖

馮鷺庭編修

集梧

購得田山薑侍郎大通秋泛圖索題

題查映山

坐

給諫聽雨樓圖

并序

哭座主大學士稽文恭公四首

倉史造字圖孫淵如比部

星衍

屬題

積雨

哭汪雲壑翰撰

如泮

三首

秋蟬二十韻

久雨乍晴出遊城西諸蘭若各賦一詩得四首

善果寺

慈仁寺

崇效寺

長椿寺

宋芝山同年屬題山水畫二首

惲南田仿黃子久富春一角

王石谷遠山修竹

天慶宮觀劉鑾塑像歌

張水屋道滄之簡州別駕任兩峯爲畫刻閣圖贈別余

題此詩

題胡黃海翔雲購詩圖卽送其之揚州二首

趙承旨畫馬同張船山問陶作

題李墨莊鼎元登岱圖

徐節婦詞

題戴春塘孝廉聽鵝圖二首

元張來儀待月聯吟圖宋芝山同年屬題

非序

題黃石齋先生弔周忠惠祠詩卷卽用元韻四首

有正味齋詩集卷十

錢塘 吳錫麒 聖徵

重夢集上

沈梅村自新市來送余北上兼贈以詩舟中賦此奉答
仙人潭上客已抱玉琴眠念我遠遊子勞君秋水船詩留山色
裏夢醒酒燈前欲寄相思去歸雲定與傳

石門道中

只有青山管送迎旗亭回首不勝情枯桑槭槭天風大老柳蕭
蕭暮雨生片席漁樵支酒局甘年仕宦悔詩名長安笑我還西
向鏡裏秋霜滿鬢盈

泊無錫

但到斜陽感易生不知物外亦幽清青山可作奇書讀白鷺渾

如候吏迎團訪舊遊逢葉落酒沾前渡有舟橫新霜只怕今宵
緊篷底燈寒夢不成

渡江詞二首

蕭蕭楓葉滿江秋忽聽清歌唱遠遊一片愁心無處託隨潮
今夜向瓜州

打鼓開船楊子津浪花簇簇白如銀如此風狂不歸去峭帆愁
殺倚樓人

揚州送仲弟歸

萍跡亦何定飄飄爾竟歸暮湖呼小艇杯酒勸斜暉正有高堂
夢相隨一雁飛江湖須慎重餘淚灑征衣

寄酬真州諸故人三首

一樣垂楊舊日秋不堪離緒挂梢頭酒杯是兄同醉江水亦

如八欲愁南郭市喧猶彷彿東園詩約漫句留白沙翠竹開圖
畫讓與羣公踏葉遊

豈料帆抽楓落天早催驪唱藕花前鷄鳴醒枕懷君子燕夢空

梁感昔年樂府吟豪垂白對謂將東博酒缸情重買紅纏時江吟劉以孫女許字余長孫

河楷放云百端心裏思量徧日落潮平一惘然

驛堠雲邊旅泊餘樓臺鏡裏故人屆相思不獨淮南樹此後煩
傳冀北書極浦風寒驅斷雁長途日暮策疲驢幾年辛苦論詩
地明月愁懸一榻虛

秦淮遇趙新溪司馬

尋思難得一逢君忽又津頭袂乍分三十六湖烟月白照伊寒
柳落紛紛

東平值大風

倏忽風輪轉寒聲挾與俱撲空學病虎和葉墮棲鳥沙掠征衣
勁星搖大野麤一聆勞者唱何以慰征夫

宿南留智廟

迴接燕齊路一條留人小店易魂消雞號破壁聲先亂馬鬣枯
真氣不驕田舍計疎愁後日江湖夢短悔今宵不知雁影隨風
去吹過西冷第幾橋

旅中有感寄諸故人二首

驛冷烟荒鳥下遲紛紛搖落過秋期天憐衰草心猶碧人替垂
楊鬢已絲梁熟最難回夢後薪勞翻悔斲輪時一尊孤坐黃昏
近皓月膝蘿影自移

蓬聲罷聽鐸聲聞吳楚齊燕地屢分聊乞安身投樹鳥怕迷歸
路出山雲蟲魚辛苦隨行篋蘿桂悽惶費檄文後約梅花應不

負一枝先待寄殷勤

糊窻

略作巢痕補全教格眼明留香花戶艷寫影竹枝晴冰雪心同
爭屏帷福莫爭尖風聽裂紙山店夢會驚

題橫波夫人畫蘭卷二首

款云長至日扇畫于敬德居有白門扇子
小即其上旗芝麓宗伯自題云雪後擁爐

寒甚苦無酒錢君為門兒以名酒見
餉欲傳內人畫蘭感其意作爲此

梵字花頭墨寫之小名眉子押朱絲水晶宮裏興亡感一例夫
人倒好嬌

風流猶傍莫恐居香草圖成雪滿廬賺得一瓶桑落好白頭醉
殺老尚書

送張古愚同年敦仁赴瑞州任

黃河魚守蟄彭蠡雁隨陽枯柳不堪折征途此去長官閒存澹

泊歲晚閱蒼茫見說趨丹口何時過馬當

題魏春松比部

成憲

溪山二隱圖

春以血解見藍野有借隱之願
范斯早本因居友人吳鑑生爲

寫此

彈琴忽不憚感彼天邊鴻出門望春草夢遠烟山空徒懷耦耕
願獨立溪頭風茅夾屋可結松竹徑可通難招春令影入此蒼
茫中愁心託緇素林壑移天工疑生夜來雨對燭涼濛濛我有
雨弱弟天涯迢萍蓬白雲渺前浦紫蘭思故叢一椽得歸隱同
泊西溪篷

花朝日集陶然亭公餞王蘭泉司寇 予告歸里二首

花朝莫惜未花開幸飢光風勝地陪座數髭鬚多白去窻收草
樹有青來春情驗岩逢長日醉態娑娑引巨杯雲外計程西望

迴接天縹緲識瑤臺

不知何處柳依依，祇覺離情滿夕暉。
亭榭儘容名士會，江湖難得老臣歸。
桃花急溜丁沽活，蘊葉新波泖澗肥。
一榻漁莊能穩卧，惟應清夢託皇畿。

燕市楊花曲

踏青已歇柳脫綿，長安大道東風顛。
撲來繡幙連番雪，捲過銅街一路烟。
酒家壩畔逢飄瞥，作隊成團明復滅。
細碎和教綠蟻浮，模糊鬧得青帘熱。
託根幸借鳳城春，金碧樓臺最勻勻。
肯逐輦塵隨寶馬，肯淹香土襯雕輪。
離輪寶馬東西走，玉竦金鼇屢回首。
漠漠全遮老眼昏，匆匆難絆斜陽久。
誰家紅樓臨狹斜，誰家女兒隔幔紗。
嬌喉一聲珠串溜，裊空如雨唱楊花。
楊花歷亂歌邊落，兜轉楊枝還繫著。
海戶籠連色更深，蘆溝折贈情猶昨。
含嬌恃態若爲稱，似合旋離各自棲。
慣掠衣香邀蝶鬪，慣掠鬢

翠惹鴉迷上林忽度新鶯語浪擲金梭自來去游絲無力織不
成入夜春寒奈何許春寒偏護影麤麤愈到天涯舞愈愍身世
膏騰方塞北夢魂宛轉又江南江南塞北幾千里飛絮飛花同
綺靡清絕瓊壺水與吹濃時瑤島雲俱起無端蕩入霧沉沉消
黯時光太不禁似爲黃昏攬薄暝翻添明白晝輕陰淒涼萬柳
堂中客每見花飛感疇昔重攀老樹百年道盡沒蒼苔盈寸積
誰家廢苑接蕭條何代粧臺對寂寥啄去燕泥香未褪骨半蛛
網弱難飄三眠三起當年記濯濯靈和想姿致莫倚迴颺欲上
天怕沾細雨終垂地我昨愁春苦未醒醒來芳樹已青青終朝
攬結難爲帶一夜波流竟化萍萍蹤去後無時聚可惜春光等
閒暮迷離何處望京華路遠深閨思更苦

同許慕儻

嘉歎

家省庵

青德

遊崇效寺

重訪招提入春風又幾年樹圍諸佛淨花裏一幢圓老輩紛題
句殘僧懶說禪殷勤解留客猶未歇茶烟

題馮實庵給諫培種竹圖

巷東走尋大馮君涼聲忽訝江南聞絲筵長養百十箇冉冉虛
齋生綠雲長安此物不易致誰與先生商位置畫者胸中千畝
生種之庭下今朝醉園丁未放鴉髻鈕髻童仰面一手扶添苔
爲竹助顏色添土爲竹封根鬚日日平安例報汝年年塵俗難
醫吾吾家湖口三間屋不少千竿萬竿竹燕子來時新筍香嫩
煨蝸蝸花豬肉去年揚州苦未嘗今年日下思故鄉春風幾載
不歸去籬根歷亂行鞭長屠門大嚼恣一快不怕屐來能踏壞
勸君且莫甘蔗彈對君殿下芎蒲拜方今鸞鳳棲不空請放直
幹摩蒼穹出處但能標大節動搖常自有清風

題門人祝雪舫停琴佇月圖遺照

天風吹不見勞我刺船尋相對古時月難忘海上琴一珠沉夕
氣萬籟走商音但有梧桐樹長留百尺陰

戲題麻姑像二首

碧城傳唱小遊仙桑樹重栽海上田一幅壞裙餘想像南園蝴蝶
蝶夢如烟

藍藍有約采神芝開過桃花又幾時歸去瑤池朝阿母秋霜先
已上蛾眉

題賀梅菴應祥秋林觀瀑圖

前峰雨過雲亂飛後峰無雨濕濺衣水簾放下一千尺數里外
已飄珠璣一翁似跋觀瀑約枯筇得得穿林霏楓丹栗黃秋欲
老蜿蜒路取林間微踏殘落葉紛莫數纒轉一徑通雙扉小樓

坐立人四五若候來者情依依耳中共有涼濕入神乃畢靜心
無機虛空但見匹練舞一跌直落蒼苔磯人行濕邊濕轉隱却
收遠勢凌巍巍須臾移過白雲去又似步障重重圍詩無題者
待來雁畫不了處餘斜暉山中有酒合留客童子抱琴歸不歸

雨後過下窪三首

積潦縱橫綠似苔連天濕氣雨收纔歌聲聽唱茨菇葉一隊兒
童踏浪來

天與詩人寫晚晴不關秋意亦孤清雲光活處平林接幾點斜
翻白鳥明

輕轆車行路不長蝦蟆叫歇尙斜陽更無人會蕭閒意來看青
蘆十畝涼

題楊二農崇禎衡門春草圖

君家老屋去我三里遙門前流水決決穿土橋憶當戊子結文
社如魚逐隊相招邀到門春草迷屐齒兩扇細認柴扉敲心兵
戰罷酒兵上十斗五斗酌我傾家醪忽忽甘五載事過如風飄
君才遠就諸侯招余亦東華瘦馬跑燕吳楚蜀各異地萍蓬蹤
跡何由遭王孫縱有故山憶但讀芳艸詩中騷我昨假歸去自
惜朱顏凋走從東家西家尋舊雨可憐晨星落落當時交秋風
有淚哭不得荒原宿草多飄蕭何圖金臺夕照照我故人至恰
我已自鄉里重還朝是時六月新雨過柳陰一榻垂涼條茶
瓜話舊辭未畢出示此圖謂是老守蓬心描家山和雲畧點椒
古樹放春纜及梢其下不知蘼蕪蕙若多少種茸茸一片但有
烟難消烟邊屋宇猶可識遮頭未改三間茅惜不吟唔握管畫
我曹我如得歸將卜宅非營北墅當東臯結憐倘背河蓬蒿便

約荷衣草屨師漁樵山低好種竹水淺須栽菱貓頭筍美肉可
燒白魚出網鰕許撈芻芻新酒酌用匏醉擊銅斗歌邨謠往來
謝絕車馬囂但憑門外三日五日雨離披野草爭長如人高

馮鷺庭編修

集摺

購得田山薑侍郎大通秋泛圖索題

天與黃花作重九難得官閒潞河口大鵬治具召賓朋堂堂都
是田郎偶移家尙欠詠山薑入畫先教描水柳主人詩卽道州
詩能念東南民困久怕有天邊哀雁聲吹落西風一杯酒仁人
用意在忠厚如此吟尊差不負古歡繾綣一編中遺墨蒼茫百
年後此官繼者大馮君鷺庭舍兄是吳伯伯亦曾在通州坐榻此卷今歸喆弟手流傳胸
裏活民書能接淵源垂不朽我生忝竊太倉紅每歲虛糜幾升
斗歸耕先願急田租烟火柴門屢回首

題查映山給諫聽雨樓圖并序

樓在北半截，衡衡相傳爲嚴世蕃別業。平泉草木森蔚，依然後
愆臨得石軒庭，有太湖石五結，參太古具體真形。查初白先生
得石軒歌云：軒西舊是金張第，臺榭居停凡幾易。蓋有慨乎言
之也。嗟乎權門勢燄炙手可熱，原不過幾刹那閒，而賢士大夫
風雅代興，又往往遷徙不常。視如傳舍，惜哉！給諫居懶眠，衡衡
樓在其後，後乃併爲一宅。廋疏剔治，奉太夫人起居其中。繡衣
稱觴極天倫之樂，殆視學湖北以親老不能迎養，不一載陳情
乞歸，于是王蓬心太守宸繪圖贈行，畢秋帆制府沅爲之記筆
墨之輝，與其事，其人皆堪不朽。然後斯樓爲得主矣。余欽崇穆
行，叙述清襟，引軸抽思，不禁神往云。

芭蕉葉大遮短牆，楊柳陰密連長廊。長成樹樹夏疎雨，虛空有
似搖。官商高樓幾人曾聽到，一枕送與先生涼。先生視學臨荆

襄陳情

特許母氏將日歸豈肯愛官職適興但欲歌滄浪晨昏無事視

膳畢喜有子由來對床

謂舍弟潛餘比部

剪燈同話舊時句吟聲朗答檐

聲長古來富貴如轉燭秋井一楊青苔荒卽如此樓經始日木

石那不平泉忙大風忽吹桐樹倒紛紛蟲蟻逃且僵天宮雨汁

洗塵劫流盡渣滓還輝光名流幾盡風雅託天倫樂事誰能方

玉壺清賞春早買待我拜母來登堂我家老屋修竹傍數間黃

篋風粗擔白頭二老行八十愧我遊子心茫茫求田之計安可

望曷不負米歸故鄉好起腰脚今猶強長歌詠嘆增傍徨江湖

已有夢魂去篷滴響墜蒹葭蒼

哭座主大學士稽文恭公四首

台星淪上相魯殿圮靈光遂有千秋感真成一鑑亡

君恩致優渥鄉思積蒼茫舟楫平生事哀哉夜壑藏

兩登耆叟寡重探杏園花鏡偃神仙侶草平宰相家豈徒名不朽已備福無涯兜率看歸去飄飄狂羽車

竹箭奔流日駟車一再過勞心催白髮大力折黃河波浪魚龍戢郊原禾黍多歸途停素旆遺愛衆人歌

許我過從數叨公誘掖頻笑談微故事意氣失今人黯黯梁陰缺棲棲丙舍貧種松多弟子徒有淚霑巾

倉史造字圖孫淵如比部

星衍屬題

蛟龍脫走急電奔炯炯四目窺堂軒曰倉帝儼天子尊亦云左史臣軒轅沮誦者右梵佉昆視斯籀輩其兒孫陽墟山矗青嶂嶸元扈水注流渾渾神龜丹甲兆坻焯綠圖推闡包乾坤星光倒攝奎躍垣駢田飛走交夙蟠複身放尾聯蟠蜿光怪發洩驚

聾昏破空粟灑秋黥繁書生猶憾今無殮
酸風夜墮薜荔魂洪荒老魅聲暗吞萬古慘
慘陰寒屯我初讀畫不敢捫捫之指濕
雲烟痕惟孫君乃承淵源三倉掇拾不憚煩
古注細緝梵夾緝存什一千千百言厥功要
踵許重論而我更有箴規存讀書讀律同一
原陷文不活神所宛始制文字垂黎元忍聽
巨猾手覆翻願君西曹務平反靈光可借照
覆盆免使新鬼啼園門蓬蓬腕底生春溫
勝銘鼎西盤區鐫

積雨

掃暑簾櫳雪瀑翻近秋時節點逾繁
蛻蚰畫壁莓苔雜蚪蚪書畦水墨渾
仰五月曾看碧落照泥星又出黃昏
天涯誰共連床話剪罷涼燈自掩門

哭汪雲壑翰撰如洋三首

此身如葉謝秋風，痛定還疑是夢中。
君會狀兩元與其外枉說科名占宅相，
祖金兩叔先生適同難教福命信天公。
庸醫肱豈經三折，厲鬼災先邁五窮。
愴我哭師重哭友，髮催衰白入青銅。

彼蒼從古忌才華，那料冰霜分外加。
阿母慘教從地下，太夫人以後二日卒諸郎翻遣隔天涯。
遺編自富難償債，旅魄能歸未有家。
到底虛空無一相，飄飄何苦墮曇花。

弟兄愴絕別筵開，半月前曾此地陪。
謂分兄鹿周同年達者只如蝴蝶覺，詩人難寫鶴鴿哀。
官真作劇場，何戀酒亦無情壘，可摧如此中秋拚一恨，儘伊風雨逼人來。

秋蟬二十韻

及爾傳秋信，西風已暗吹。
繁音商氣變，清味露華滋。
腔石千秋并陰先，一碧移斷煙疎。
雨外早雁晚蛩時，古調翻來急青林陰。

去遲巴山沉磬韻蜀國換琴絲天地憐孤潔江山感別離鱸魚
催客子團扇擲宮姬殘暑銷三伏斜陽賸幾枝孟家衣惹恨齊
女曲添悲金粉迷荒苑榆槐暗舊祠夢涼驚易醒聲悄曳何之
病翼依柯瘦餘生戀葉危柴門方倚杖虛閣孰絃詩只我形難
蛻如伊鬢可知塵蹤微祿誤心事故園期老謝華貂慕吟就樂
府遺前身莎草路接響豆花籬嘒嘒初無恙瘡瘡久亦宜灞橋
楊柳在入抱惜紛披

久雨乍晴出游城西諸蘭若各賦一詩得四首

善果寺

爛苔漬雨氣猶昏忽送斜陽漏晚痕步趁鐘聲巡徑熟坐抽梵
夾就床繙陰連蘿薜羣屣聚涼擁袞袞一佛尊高閣毘盧眼前
在幾時金碧失飛鸞

慈仁寺

蟬語呼晴樹漸秋重逢僧已雪盈頭蒼龍骨蛻雙松去怖鴿身
盤一鉢投老輩輪蹄書估熟前朝功德道場留西風厭說微塵
事倒捲清鐘墜佛樓

崇效寺

身世憑教付靜觀一生坐破幾蒲團纒絲禪榻催成老紅杏青
松悟到難碑記棗花昔字沒坊隣白紙杵聲殘我來但說清涼
法要結人天半响歡

長椿寺

茶夢來從此地圓遮留昔屐亦前綠涼雲清淨依雙樹寶相莊
嚴護九蓮梵貝至今談福地帑金無分救窮邊阿師水定何人
識一瓊寒泉爲恫然

宋芝山同年屬題山水畫二首

憚南田仿黃子久富春一角

感此江上山歛若前夢續孤帆落何處迎面數峯綠人家負巖
高鷄鳴上初旭垂垂汲江深杳杳轉溪曲井西之所居風土故
清沃分以一角秋嵐翠飽應足

王石谷遠山修竹

略皴山淺深盡空去水前後水外竹有陰葉葉微烟受若非斷
塔明安從認水口歸歟二老誰斜陽待之久尙約燒筍嘗過橋
合沽酒

天慶宮觀劉鑾塑像歌

太霞晃朗開天闔凌颺駕景馳羣神反華幡導十二輪寒童嶽
頂扈帝巡虛空紫炁騰蜃輪雲膏露澤福萬民鑿也下土蟻蟲

臣垣泥出自造化鈞靈光一綫通天人搏掞亦代天寫真元都

勝境高嶙峋冕旒蕭穆端中宸儀坤未上夏后嬪惟左右弼臣

哉鄰三清位業厥與均金輝玉映同登晨醮儀更爲三元陳通志

有三元驪儀一卷天地水各頭銜新是何黑籍檢校頻主者睨目意似順

一吏屈膝詞欲申其旁聽者皆閭閻天師最尊位上賓益然面

目道氣純傳靈官法風雷遵驅遣蜥蜴來踐踐行雨欲比茅龍

馴凡諸法相殊等倫鑿也貌之見若親曹衣吳帶一手披得神

得氣得笑顰喻爾陀愧巧未臻我侍香案思前因宰官偶現今

世身五百年跡訪未湮到此眼已無紅塵蒼虬掉尾盤輪囷金

鷗擘翅迴秋旻寬鞋踏葉歸途循神仙待問邛長春

張水屋

道滌

之簡州別駕任兩峯爲畫劍閣圖贈別余

題此詩

青天不可上白雲自在行蜀道古云難有客將徂征去京六千
里水遠山更橫心知道里長爲計所歷程寒陰生咫尺遠態秋
臺呈劍門所去路在目修蛇縈層梯出荒怪萬笏開崢嶸神來
身已歷筆落心先驚離離蔚蔚間一氣騰金精聚此積鐵勢高
插秋空晴此時秋正深此境秋愈清冥冥子規語嗷嗷羣猿鳴
楓杉自爲色石浪交相聲送君從此往西風凜行旌行旌不惜
遠別酒不厭傾敦勉發至論慷慨刊凡情 朝廷設官職一階
亦足榮母以謫宦傷而謂監州輕此州產無鱗此州居有氓文
翁敦禮樂武鄉務農耕大輒觀所斫小鮮亦云烹名雖稱官府
責要在父兄卽此佐良牧有何權勢爭公暇事筆墨觸手烟雲
并川原一過眼得意無關荆一圖蜀道易再圖棧道平他時附
書來報我政已成花開時節好相望錦官城

題胡黃海

翔雲

賦詩圖卽送其之揚州二首

雪中泥爪賸無多
來隔三年去奈何
依舊鯉魚風信後
峭帆欲渡古黃河

離觴欲盡句難酬
落日蕭蕭又下樓
獨有懷人千里夢
隨君今夜向揚州

趙承旨書馬同張船山

問陶作

值得黃金買留教
名士看燕臺
逢日落龍氣
逼人寒粉墨餘蕭
瑟風塵接渺漫
王孫天上種
寫罷淚曾彈

題李墨莊

鼎元

登岱圖

蒼茫一氣搖魂魂
羣山雜沓如兒孫
世間五嶽首東嶽
圖裏仿佛真形存
攀蘿附葛人不少
讀畫方知齊魯小
萬丈嶙峋眼裏
來直到青天青不
了觸石而起雲
亂鋪雲中君乃
仙人乎手持

芙蓉向西笑似聞舊侶蓬萊呼大圓海水隔咫尺金支翠蕤光
有無天雞發唱闐闐闐闐樹頂飛上扶桑烏瞳瞳曉色爭一瞬但
賸九點煙模糊浴日亭邊重回首鳳皇臺上羣鴉走七十二代
秋草荒誰酌登臨一杯酒秦之松漢之柏八分唐代磨厓石元
氣淋漓紙上收寫君蕩蕩胸中碧李白豈是蓬蒿人踏雲歸去
朝

紫烏平生霖雨志鬱鬱自此伸莫使婚嫁纏其身山中猿鶴倘
相念桃花待汝三千春

徐節婦詞

木瀆里家者徐婦氏殷頗知書事舅姑視子職如曉聞荒雞喔
喔上堂起居一解舅姑顧婦色喜愛憐之以子視子出外授書
營甘旨修脯不給給之婦一指二解烏夜啼啼聲一何哀見父

死兒願從游夜臺游夜臺白日慘慘黃泉茫茫歸不得來婦戴
有姑提有孩三解婦不惜吞辛與嘔苦家貧猶目可奇荒奈何
許姑無翁兒無父舖之餒之飯在釜婦也前日昨日兩日餓今
日糠粃和菜煮四解明年疫大作里巷蕭條但聞哭聲鬼出鬼
入人不得行金幢玉節雲中有倏忽靈光照愆牖諸神來衛節
婦節婦之名傳不朽五解于今子又生孫朝廷棨棹旌門人
第見垂垂白髮笑語溫不知霜熬雪鍊當時痕我請壽母進一
言洞庭山太湖水大節同垂木瀆里一寸冬心常不死梅花之
香只如此六解

題戴春塘孝廉聽鷓鴣圖二首

丁丁樵斧此時閒賺得詩人數往還第一春聲來較早四圍香
木戴公山

春風慙我試鶯天拋却西湖十里煙一路雜花飛不住有人正
放總宜船

元張來儀待月聯吟圖宋芝山同年屬題并序

按仲賢詩序云至正癸未余待選春官同年而調者建德錄事
判官利賓顧公蕪湖尉彥恭趙公影縣簿帖木公與余共載南
回中秋夜泊卅清平之魏家灣雲霧晦冥蟾影蒙密停舟坐待
者久之聯句賦詩興復不已諸公乃以香霧雲鬟濕爲韻各言
其志童子楷侍尊俎亦預焉余分得濕字姑述鄙懷以成數語
欸曰赤城陳淵圖中欸云張羽爲仲賢作則仲賢者淵之字也
其曰利賓顧公者名觀丹陽人仕元爲星子尉流寓紹興其詩
編入劉仔肩雅頌正音曰彥恭趙公者名肅吳興人文敏之孫
也曰帖木兒者不詳其人曰楷者卽其子也清平縣屬今山東

東昌府爲古貝邱地水經注灑水西歷貝邱昔晉侯宴齊侯曰
有酒如灑卽指此水也張來儀名羽以字行更字附鳳號靜居
爲明初四傑之一其畫胎源米家父子能超諸蹊徑之外是幅
雲氣欲脫月華若流草樹帆檣掩映蕭瑟可稱神品仲賢書亦
得吳興三昧而譜錄不載其人僅附此圖以傳爲可感也畫末
有瞿石齋記四字卽乃常熟瞿忠宣公印記

江南棹返陳仲賢待月夜泊清平船三人者友一子侍吟詩各
有佳篇傳靜居圖乃後時補光景悄恍追從前是日中秋月慘
淡牛毛短樹蒙寒烟估櫓蘊蘊千百計已罷燈火篷窻眠深闌
少婦夢不到不知何地蟾蜍圓雲鬢香霧倏在眼丹青寫出詩
中緣前山沒雲後山出青蓮花瓣浮娟娟月來不來風露裏人
去未去鷗鳥邊吳歌咫尺行可聽感我觀者羈幽燕魏家灣口

會宿處澗水所入風生漣但須有酒如此水免使望遠心煩煎

題黃石齋先生弔周忠惠祠詩卷卽用元韻四首

按忠惠詩起注

字信真海澄人天啟間巡撫吳中爲政簡靜持大體性剛介織造內監李實怙魏忠賢勢恣爲貪暴起元疏劾之忠賢怒嗾實劾起元沒宿金十餘萬日與高攀龍等往來講學內行居開與周順昌六人同被逮死獄中後贈兵部侍郎諡忠貞詩乃石齋先生吊其祠下作也

孤忠成本性昭雪亦君恩落日祠堂拜吟詩涕淚存歸魂招魏
闕緹騎慘吳門颯颯楓青處哀哉獨徃言

關豎成何事虔劉國已瘞幾人拚熱血羣小殉冰山大節垂霄
日殘燐失野營鋤姦亦英主元氣不能還

况復前車踵萌芽又在茲諫臣論戍日內侍算縉時蠹禍乘危
國狐鳴應古祠初基懲爾輩何處問遺碑

萬古誰無死九原真有隣詩書堅此骨軍旅喪斯人勢豈支殘
局心能託後塵白虹同不滅慘淡接江濱